

ЎЗБЕКИСТОН РЕСПУБЛИКАСИ
ПРЕЗИДЕНТИНИНГ
ҚАРОРИ



ПОСТАНОВЛЕНИЕ
ПРЕЗИДЕНТА
РЕСПУБЛИКИ УЗБЕКИСТАН

2019 йил “ 4 ” сентябрь

№ПК-4436

“ ____ ” 20 г.

**Диний-маърифий соҳа фаолиятини тақомиллаштириш бўйича
қўшимча чора-тадбирлар тўғрисида**

Мамлакатимизда миллий анъана ва қадриятларимизни ривожлантириш, улуғ аллома аждодларимиз илмий меросини чукур ўрганиш, ёшларимизни Ватанга муҳаббат, илм-маърифатли, интеллектуал баркамол авлод этиб тарбиялашга давлат сиёсатининг устувор йўналиши сифатида эътибор қаратилмоқда.

Бу соҳада олиб борилаётган ислоҳотлар дунё миқёсида ҳам муносиб эътироф этилиб, диний бағрикенгликнинг намунали модели сифатида баҳоланмоқда. Хусусан, Ўзбекистоннинг диний эркинликлар соҳасида алоҳида хавотир уйғотадиган давлатлар рўйхатидан чиқарилганлиги, БМТ Бош Ассамблеяси ялпи мажлисида Ўзбекистон томонидан таклиф этилган “Маърифат ва диний бағрикенглик” резолюциясининг қабул қилинганлиги бунга яққол мисолдир.

Шунга карамай, юртимизда кечеётган ижтимоий-сиёсий жараёнларга диний тус бериш, сохта ғояларни асл диний қадриятлар сифатида талқин қилиш ва аҳоли орасида носоглом ақидани сингдириш ҳолатлари кузатилмоқда.

Диний-маърифий соҳани янада тақомиллаштириш, жамиятда “жаҳолатга карши – маърифат” деган улуғвор ғоя асосида диннинг инсонпарварлик, эзгулик ва тинчлик каби фазилатларини ҳамда диний бағрикенглик рухини кенг тарғиб қилиш, шунингдек, ижтимоий-маънавий муҳит барқарорлиги ва қонун устуворлигини таъминлаш мақсадида:

1. Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг (кейинги ўринларда – Кўмита) Ички ишлар вазирлиги, Ўзбекистон Ёшлар иттифоқи, Ўзбекистон Хотин-қизлар қўмитаси ва Фуқароларнинг ўзини ўзи бошқариш органлари фаолиятини мувофиқлаштириш бўйича республика кенгаши билан биргаликда жамиятда виждан эркинлиги кафолатлари ва диний-маърифий муҳит барқарорлигини таъминлаш бўйича мустаҳкам ва доимий ҳамкорлигини назарда тутувчи янги тизим жорий этилсин.

Куйидагилар янги тизим доирасидаги ҳамкорликнинг устувор йўналишлари этиб белгилансин:

дин соҳасидаги давлат сиёсатининг асосий мақсади, вазифалари ва принципларини кенг жамоатчиликка, давлат ва жамоат ташкилотлари раҳбар ва ходимларига тушунтириш, уларнинг фаоллиги, ташаббускорлигини ошириш;

виждон эркинлиги кафолатларининг бузилиши ҳолатларига нисбатан тезкор чоралар кўриш;

аҳолининг, айниқса ёш авлоднинг диний ва дунёвий карашларини ривожлантириш;

оммавий ахборот воситалари, Интернет сайtlари ва ижтимоий тармоқларда тарқатилаётган радикал ғояларга қарши миллий анъана ва қадриятларимизинг кенг тарғиб этилишини таъминлаш.

2. Куйидагилар Кўмитанинг янгиланган асосий вазифалари этиб белгилансин:

виждон эркинлиги ва диний ташкилотлар тўғрисидаги конун хужжатларига мувофиқ дин ишлари соҳасида ягона давлат сиёсатини амалга ошириш;

Ўзбекистон Республикасининг дуиёвий давлат тамойилини амалий рўёбга чиқариш, фуқароларнинг виждон эркинлиги кафолатларини ҳимоя килиш;

диний мутаассиблик ва экстремизм ғояларини тарқатиш, турли конфессиялар ўртасида адоватни юзага келтиришга қаратилган хатти-харакатларга йўл қўймаслик чораларини кўриш;

жамиятда диний-маърифий мухит баркарорлиги ва эътиқод эркинлигига таҳдид туғдириши мумкин бўлган омилларни ўрганиш, таҳлил килиш ва уларнинг олдини олиш чораларини кўриш, шунингдек, ушбу жараёнларда диний-маърифий соҳа вакилларининг иштирокини кенгайтириш;

давлат органлариинг диний ташкилотлар билан ўзаро алоқаси ва ҳамкорлигини мувофиқлаштириш ҳамда давлат сиёсатида конун хужжатларида белгиланган тартибда рўйхатдан ўтказилган диний ташкилотлар манфаатларини акс эттириш;

аҳоли орасида конфессиялараро тотувлик ва диний бағрикенгликни мустаҳкамлаш бўйича тарғибот ва ташвиқот ишларини олиб бориш;

фуқароларнинг хорижий давлатларга ва чет эл фуқароларининг Ўзбекистонга зиёрат туризмини амалга ошириши учун шарт-шароитлар яратиш;

экстремизм, сепаратизм ва мутаассиблик ғоялари таъсирига тушиб қолган шахсларни, айниқса ёшлар ва хотин-қизларни соглом ҳаётга қайташ, жамиятда тинчлик ва тотувлик мухитини мустаҳкамлаш борасида маърифий-тарбиявий ишларни олиб бориш, бу борада илгор хорижий тажриба асосида таклифлар тайёрлаш;

манфаатдор ташкилотлар билан ҳамкорликда аҳолининг диний-ижтимоий жараёнларга муносабатини ўрганиш бўйича социологик сўровларни ташкил этиш.

3. Белгилаб қўйилсинки:

а) Кўмита:

жамиятда “жаҳолатга қарши – маърифат” деган улуғвор ғоя асосида диннинг асл инсонпарварлик моҳиятини, эзгулик, тинчлик ва инсонийлик каби фазилатлар азалий қадриятлар ифодаси эканлигини тарғиб этиш мақсадида барча давлат ва нодавлат нотижорат ташкилотларига бу борадаги фаолиятни амалга оширишда қўмаклашади;

мамлакатдаги диний-ижтимоий жараёнлар ҳамда диний бағрикенгликни таъминлаш масалаларини ўрганиш натижалари асосида илмий-тадқикот ишларини қўллаб-куватлаш, тарғибот ва ташвикот тадбирларини ўтказиш чораларини кўради;

б) ижтимоий-маънавий муҳитни янада соғломлаштириш, хотин-қизларнинг жамиятдаги ўрни ва нуфузини мустаҳкамлаш, улар орасида маърифий-тарбиявий ишлар самарадорлигини кучайтириш максадида **республика, вилоят, туман (шахар), маҳалла даражасида давлат ва нодавлат нотижорат ташкилотларининг тарғибот гурухлари фаолиятини ташкил этиш орқали ўзаро ҳамкорлигини йўлга қўйиш амалиёти жорий этилади;**

в) Коракалпогистон Республикаси Вазирлар Кенгаши Раисининг, вилоятлар ва Тошкент шаҳар ҳокимларининг жамоат ва диний ташкилотлар билан алоқалар бўйича **ўринбосарлари Кўмитага** тегишли ҳудуд бўйича виждан эркинлиги кафолатлари ҳамда диний-маърнфий муҳит баркарорлигини таъминлаш, давлат органларининг диний ташкилотлар билан ўзаро алоқаси ва ҳамкорлигини мувофиқлаштириб боришада **кўмаклашади** ҳамда бу борада Кўмита раисига **хисобдор ҳисобланади**;

г) Коракалпогистон Республикаси Вазирлар Кенгаши Раисининг, вилоятлар ва Тошкент шаҳар ҳокимларининг жамоат ва диний ташкилотлар билан алоқалар бўйича **ўринбосарлари Кўмита раиси билан келишилган ҳолда қонун хужжатларида белгиланган тартибда лавозимга тайинланади ва лавозимдан озод этилади.**

4. Кўмита бошқарув ходимларининг чекланган умумий сони **58 нафардан** иборат бўлган **марказий аппарати тузилмаси** иловага мувофиқ тасдиқлансин.

Кўмита раисига, зарурат бўлганда, Кўмита марказий аппарати тузилмасига бошқарув ходимларининг белгиланган штатлар сони ҳамда меҳнатга ҳақ тўлаш фонди доирасида ўзгартиришлар киритиш хукуқи берилсин.

5. Белгилансинки, Кўмнтанинг марказий аппаратига қўшимча кнритилаётган **7 нафар** бошқарув ходимлари штат бирлигини саклаш билан боғлиқ харажатлар туман (шахар) маданият бўлимлари марказлаштирилган бухгалтериясининг тегишли штат бирликларини мақбуллаштириш ҳисобига Ўзбекистон Республикаси Давлат бюджетидан молиялаштирилади.

6. Ўзбекистон Республикаси Вазирлар Маҳкамаси **икки ой** муддатда Кўмита ходимлари фаолиятини ҳар томонлама ўрганиб чиқиб, диний-маърифий соҳада чукур билимларга ҳамда амалий иш тажрибасига эга ҳалол, тартиб-интизомли ва малакали кадрлар билан тўлдирнишини таъминласин.

7. Ўзбекистон Республикаси Ташки ишлар вазирлиги диний-маърифий соҳада мамлакатимизда амалга оширилаётган ишларни ҳалкаро жамоатчиликка етказишида Кўмитага доимий равишида амалий ёрдам кўрсатсин.

8. Ўзбекистон Республикаси Адлия вазирлиги ва Олий суди ўзининг расмий веб-сайтлари ва бошқа оммавий ахборот воситалари орқали суд томонидан экстремистик ёки террористик деб топилган ҳамда Ўзбекистон Республикаси худудида фаолияти тақиқланган ташкилотлар, веб-сайтлар, ижтимоий тармоқлар ва мобиль мессенжерлар рўйхатини эълон қилиб, унинг доимий равишида янгилаб борилишини таъминласин.

9. Ўзбекистон Республикаси Молия вазирлиги ушбу қарор талабларидан келиб чиқиб, Ўзбекистон Республикаси Давлат бюджетининг 2019 йил учун тасдиқланган параметрларига тегишли ўзгартиришлар киритсин.

10. Ўзбекистон Республикаси Президентининг 2018 йил 16 апрелдаги “Ўзбекистон Республикаси Вазирлар Маҳкамаси хузуридаги Дин ишлари бўйича қўмита фаолиятини такомиллаштириш чора-тадбирлари тўғрисида”ги ПҚ-3668-сон қарорининг I-банди ва унга 1-илова ўз кучини йўқотган деб ҳисоблансин.

11. Қўмита манфаатдор вазирлик ва идоралар билан биргалиқда **икки ой муддатда** Қўмитанинг янгилangan низомини, шунингдек, конун хужжатларига ушбу қарордан келиб чиқадиган ўзгартиш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.

12. Мазкур қарорнинг ижросини назорат қилиш Ўзбекистон Республикасининг Бosh вазири А.Н.Арипов ва Ўзбекистон Республикаси Президентининг маслаҳатчиси Р.С.Қосимов зиммасига юклансин.


Ўзбекистон Республикаси
Президенти

Тошкент шахри



Ш.Мирзиёев

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмита марказий аппарати ТУЗИЛМАСИ



Бошқарув ходимларининг умумий чекланган сони – 58 штат бирлиги.

Техник ва хизмат кўрсатувчи ходимлар сони ўрнатилган меъёрларга мувофиқ белгиланади.

